

## **Claudii Fleurii Abbatis Historia Ecclesiastica**

Ab anno Christi 1400. usque ad annum 1415 - Unacum Dissertatione  
Præliminari Ad Historiam Sæculi XV.

**Fleury, Claude**

**August. Vind. [u.a.], 1767**

**VD18 90118286**

§. 29. Ladislaus regnum Neapolis occupat.

---

[urn:nbn:de:hbz:466:1-66281](#)

solvit, & die 14. Augusti Neapolin secundo vento appulsus, urbem per portam Capuanam ingressus est, undique acclamante populo, *vivat Rex Ludovicus II.*! mox binas urbis arcas, quæ Ladislao adhucdum parebant, suæ potestati subjicit, & Puteolin civitatem occupat. Nedum tamen prospera adeo rerum suarum auspicia eum permovere poterant, ut diutius in hoc regno subsisteret, sed urbibus a se non ita pridem captis valido præsidio munitis, ineunte Septembri in Provinciam regressus est.

### §. XXIX.

*Ladislaus, Regnum Neapolis occupat.*

**L**adislaus absentia Andegavensis opportune usus, ingentem comparavit exercitum, cui Albericum Barbiani Comitem, Connestabilem suum, & clarissimos Bellidores, Sfortiam, & Nicolaum Picinimum præfecit; Ergo hisce copiis, accedenti-

dentibus quoque sexcentis equitibus, quos Bonifacius ei in auxilium submiserat, marte tam secundo pugnabit, ut primo urbem, dein totum Neapolis regnum suo subjiceret imperio. Itaque victore Ladislao Clementis res ruere, & Bonifacii crescere cæperunt, quem Ludovicus Andegavensis certe multis calamitatibus oppressisset, si regni Neapolitanum dominium servasset.

## §. XXX.

*Bonifacii exactiones.*

**P**ontifex Ladislaum Regem defensurus, immodica tributa, ac vetigalia imperabat, inde vero sibi ipsi ingentem conciliavit invidiam, convertit quoque in hosce usus notabilem eleemosynarum partem, quas exteri occasione jubilæi tunc Romæ celebrati Ecclesiis obtulerant; quippe ad diversas Regiones mittebantur quæstores, qui plus offerentibus indulgentias vendebant, & seposito Canonum pœnitentialium præscripto, datis